



漢書門
五十一
四一
六立八〇
類號函架冊

內閣文庫
漢書
五十一號
八十二架
冊架

內閣文庫
番號 漢 5110
冊數 6 (1)
函號 286 112

雜史



國語解序

淺草文庫

昔孔子發憤於舊史垂法於素王左
丘明因聖言以攄意託王義以流藻
其淵源深大沈懿雅麗可謂命世之
材博物善作者以其明識高遠雅思
未盡故復采錄前世穆王以來下訖

魯悼知伯之誅邦國成敗嘉言善語
陰陽律呂天時人事逆順之數以爲
國語其文不主於經故號曰外傳所
以包羅天地探測禍福發起幽徽章
表善惡者昭然甚明實與經菑竝陳
非特諸子之倫也遭秦之世幽而復
光賈生史遷頗綜述焉及劉光祿於
漢成世始更考校是正疑謬至於章
帝鄭大司農爲之訓解解疑釋滯昭
晰可觀至於細碎有所闕畧侍中賈
君敷而衍之其所發明大義畧舉爲
已僚矣然於文間時有遺忘建安黃

武之間故侍御史會稽虞君尚書僕射丹陽唐君皆英才碩儒洽聞之士也采摭所見因賈爲主而損益之觀其辭義信多善者然所註釋猶有異同昭以末學淺闇寡聞階數君之成訓思事義之是非愚心頗有所覺今諸家竝行是非相貿雖聰明疏達識機之士知所去就然淺聞初學猶或未能祛過切不自料復爲之解因賈君之精實採唐虞之信善亦所以覺增潤補綴參之以五經檢之以內傳以世本考其流以爾雅齊其訓去非

要存事實凡所發正三百七事又諸
家紛錯載述爲煩是以時有所見庶
幾頗近事情裁有補益猶恐人之多
言未詳其故欲世覽者察之韋昭撰

前案並許是非昧賢黷亂門苑致編

國語目錄

周語第一

魯語第二

齊語第三

晉語上第四

晉語下第五

鄭語第六

楚語第七

吳語第八

越語第九

按漢志及隋唐經籍志或為二十卷或二十一卷雖多割裂於義無取也春秋獨晉主盟為久事文繁多今定自武公至懷公為晉上卷自文公至晉末為晉下卷而周及列國每為一卷又舊本取語中各章首句錄為細目尤為無謂今不復贅也

國語第一

錢塘盧之頤子由甫訂正

周

穆王將征犬戎祭公謀父諫曰不可先王耀德不觀兵夫兵戰而時動動則威觀則玩玩則無震是故周文王之頌曰載戢干戈載櫜弓矢我求懿德肆于時夏允王保之先王之於民也茂正其德而厚其性阜其財求而利其器用明利害之鄉以文修之使務利而避害懷德而畏威故能保世以滋大昔我先世后

陶望齡云周

語辭勝事皆

語事勝辭

孫鑣云初鑿

尚書調是今

文祖

又云開門見

山

持動似謂征

比非譚武

行文微似周

禮

陶望齡云大

國語

周

一

虞近竊為子
孫憂驅而遠
之豈曰非等
情乎伐之者
與諫伐者俱
見不及此
深鑿云辭稍
進

深鑿云排句
轉生下甚錯
綜有致
又云排而
變

稷以服事虞夏及夏之衰也棄稷弗務我先王不甯
用失其官而自竄於戎翟之間不敢怠業字法時序其德
纂修其緒修其訓典朝夕恪勤守以惇篤奉以忠信
奕世載德不忝前人至於武王昭前之光明而加之
以慈餼事神保民莫不欣喜商王帝辛大惡於民庶
民弗忍欣戴武王以致戎於商牧是先王非務武也
勤恤民隱而除其害也夫先王之制邦內甸服邦外
侯服飛字侯衛賓服蠻夷要服戎翟荒服甸服者祭侯服
者祀賓服者享要服者貢荒服者王日祭月祀時享

歲貢終王先王之訓也有不祭則修意有不祀則修
言有不享則修文有不貢則修名有不王則修德序
成而有不至則修刑於是乎有刑不祭伐不祀征不
享讓不貢告不王於是乎有刑罰之辟有攻伐之兵
有征討之備有威讓之令有文告之辭布只承讓令陳辭而
又不至則又增修於德無勤民於遠是以近無不聽
遠無不服今自大畢伯仕之終也犬戎氏以其職來
王天子曰予必直指失以不享征之且觀之兵其無乃廢先
王之訓而王幾頓乎吾聞夫犬戎樹惇能帥舊德而

禮記卷之五

禮記卷之五

禮記卷之五

禮記卷之五

禮記卷之五

禮記卷之五

守終純固其有以禦我矣王不聽遂征之得四白狼

燿明也觀示也戰聚也時動謂三時務農餘則講武文周公旦之諡也載戰載秦之載則也秦韜

也言天下已定聚斂其下戈韜藏秦弓矢示不復用也懿美也肆陳也時是也言武王常求美德故

陳其功於是言而歌之樂章大者曰夏允信也信哉武王能保此時夏之美也后君也稷官名父子

相繼曰世謂棄與不窳奕累也載德之載成也商牧商郊牧野向王田也服服其職業也賓服常以

服貢賓見於王者要要結好信也祭供日祭也祀供月祀也享供時享也大畢伯任大戎氏之二君

頓敗也樹立也立性惇樸也帥循也言大戎氏循先王之舊德奉其常職天性專一終身不移不聽

穆王責其享也祭莊介切父音甫戠莊力切橐古刀切時夏之夏

戶雅切茂懋通鄉音向音竹律切翟或作狄開古

問字語中凡間俱作閒說文亦無間字夫音扶後

凡語端及助語夫字並同不再音要服之要平聲

告古壽切辟婢亦切

恭王游於涇上密康公從有三女奔之其母曰必致

之於王夫獸三為羣人三為眾女三為粲王田不取

羣公行下眾王御不參一族夫粲美之物也眾以美

物歸女而何德以堪之王猶不堪况爾小醜小醜備

物終必亡康公弗獻一年王滅密

奔不由媒氏也粲美貌御婦官也參三也一族一父子也醜類也從慈用切歸女之女音汝

御宗元白康
公之母諫賢
耶則宜以荒
淫失度命其
子焉甲懼之
以教自以德
大而後堪則
納二女之亦
者禮果而如
昔口勿受之
則可矣教子
而媚王以女
非正也左傳
以滅密徵之

無足取者

孫慮登曰天

子聽敗一段

自是本理而

首以山川浪

以山川厚隱

洪衍喻各逐

其趣

孫嶺云句江

夷齊人謂尊

為者艾

孫鑣云句中

者於是乎

國語

厲王虐國人謗王召公告王曰民不堪命矣王怒得
衛巫使監謗者以告則殺之國人莫敢言道路以目
王喜告召公曰吾能弭謗矣乃不敢言召公曰是鄣
之也防民之口甚於防川川壅而潰傷人必多民亦
如之是故為川決之使導為民者宣之使言故天子
聽政使公卿至於列士獻詩瞽獻典史獻書師箴
賦矇誦百工諫庶人傳語近臣盡規親戚補察瞽史
教誨耆艾修之而後王斟酌焉是以事行而不悖民
之有口也猶土之有山川也財用於是有乎出猶其有

原隰衍沃也衣食於是乎生口之宣言也善敗於是
乎興行善而備敗所以阜財用衣食者也夫民慮之
於心而宣之於口成而行之胡可壅也若壅其口其
與能幾何王弗聽於是國人莫敢出言三年乃流王
於彘

衛巫衛國之巫以巫有神靈有謗必知之弭止也
無目曰瞽典樂典也無眸子曰矇有眸子而無見
曰矇瞽史掌陰陽天時禮法之書以相教誨者單
襄公曰吾非瞽史焉知天道是也耆艾師傳也斟
取也酌行也與語辭
召或作邵矇矇同語去聲悖步沒切一說梁武以
佛有悖音改悖為背按經史及諸儒多布內切

國語

周一

四

穆文熙曰榮公好專利蓋
孫弘羊之流
耳
孫鑛云以味
歎便不厭重

厲王說榮夷公芮良夫曰王室其將卑乎夫榮公好
專利而不知大難夫利百物之所生也天地之所載
也而或專之其害多矣天地百物皆將取焉胡可專
也所怒甚多而不備大難以是教王王能久乎夫王
人者將導利而布之上下者也使神人百物無不得
其極猶日怵惕懼怨之來也故頌曰思文后稷克配
彼天立我烝民莫匪爾極大雅曰陳錫載周是不布
利而懼難乎故能載周以至於今今王學專利其可
乎匹夫專利猶謂之盜王而行之其歸鮮矣榮公若

用周必敗既榮公為卿士諸侯不享王流于彘

載成也導開也思文郊祀后稷以配天之樂歌經
緯天地曰文極中也陳布也錫賜也言文王布賜
施利以載成周道
說音悅難去聲日或作日義亦兩通鮮上聲

彘之亂宣王在召公之宮國人圍之召公曰昔吾驟
諫王王不從以及此難今殺王子王其以我為懟而
怒乎夫事君者險而不懟怨而不怒況事王乎乃以
其子代宣王宣王長而立之

彘之亂公卿相與和而修政事號曰共和凡十四
年而宣王立
懟直類切長上聲按汲冢書共音恭共伯名和也
然韋氏自依史記周紀為注則共當如字

孫鑛云藉田
賦以為諫絕
得法

又云敘事有
典故用意以
工辭
筆法
告
繩似周礼

宣王即位不藉千畝。虢文公諫曰：不可。夫民之大事
在農，上帝之粢盛於是乎出，民之蕃庶於是乎生，事
之共給於是乎在。蘇協輯睦於是乎興，財用蕃殖於
是乎始。敦龐純固於是乎成，是故稷為大官。古者大
史順時，○字○法○視土陽瘳，憤盈土氣，震發農祥。晨正日月底
于天廟，土乃脉發。○字○法○先時九日，大史告稷曰：自今至于
初吉，陽氣俱烝，土膏其動，弗震弗渝，脉其滿書。穀乃
不殖，稷以告王曰：史帥陽官以命我司事，曰：距今九
日，土其俱動，王其祗祓，監農不易。王乃使司徒咸戒

公卿百吏庶民司空除壇於藉，命農大夫咸戒農用。
先時五日，警告有協風至，王即齊宮，百官御事各即
其齊。三日，王乃淳濯饗醴，及期，鬱人薦鬯，犧人薦醴。
王裸鬯饗醴，乃行。百吏庶民畢從，乃藉。后稷監之，膳
夫農正陳藉禮，大史贊王，王敬從之。王耕一墾，○句○法○班三
之。庶人終於千畝，其后稷省功，大史監之，司徒省民。
大師監之，畢宰夫陳饗膳，宰監之，膳夫贊主，王飲大
宰，班嘗之。庶人終食是日也。警帥音官以省風土，廩
於藉，東南鍾而藏之，而時布之於農。稷則徧戒百姓

王本作

紀農協功曰陰陽分布震雷出滯土不備墾辟在司

寇乃命其旅曰徇農師一之農正再之后稷三之司

空四之司徒五之犬保六之大師七之犬史八之宗

伯九之王則大猷耨穫亦如之民用莫不震動恪恭

於農修其疆畔日服其鑄不解於時財用不乏民用

餽同是時也王事唯農是務無有求利於其官以干

農功三時務農而一時講武故征則有威守則有財

若是乃能媚於神而餽於民矣則享祀倒句時至而布施

優裕也今天子欲修先王之緒而棄其大功匱神之

祀而困民之財將何以求福用民王弗聽三十九年

戰于千畝王師敗績於姜氏之戎

又曰不墾
畝益益差之
孫纘云突出
戰字下乃着
姜戎是簡妙
注

柳宗元曰古
文必藉于畝
者其道若曰
吾猶耕云尔
也曰言以奉
天地宗廟其
福誠善矣今
而曰將何以
求福用民敗
于戎而引是
而合焉夫何
至而不屬也

天子藉田千畝諸侯百畝自厲王之流藉田禮廢
宜王即位不復遵古也藉借也借民力以為之也
規視也痺厚也憤積也農祥房星也晨正謂立春
之日晨中於午也農事之候故曰農祥底至也天
廟營室也孟春之月日月皆在營室脉理也農書
曰春土胃撥陳根可拔耕者急發震動也淪變也
告災也言陽氣俱升土膏欲動當即發動變寫其
氣不然則脉滿氣結更為災病穀乃不殖矣陽官
春官距去也不易不易物土之宜淳沃也濯洗也
饗飲也鬱鬱金香草宜以和鬯酒也周禮鬱人掌
裸器凡祭祀賓客和鬱鬯以實彝而陳之共王之
齋鬯犧人司尊也鬯一耜之鬯也班次也王於下
各三其上也王一鬯三公三卿九大夫二十七終盡
耕也歆饗也音官樂官風土以音律省土風風氣

和則土氣養也廩御廩一名神倉鍾聚也布賦也
辟在司寇司寇行其罪也旅衆也徇行也一之先
往也大徇帥公卿大夫親行農也鑄鉏屬
藉或作藉號古伯切盛音成共音供龐莫江切大
史大師大牢俱音太覲音脉痺丁賀切又得案切
俱訓病也底音肯先時之先悉薦切距日許切祓
音弗又音廢易字或當音異齊音齋墜音鉢又音
發帥音率穫戶郭切鑄音博解佳賣切

魯武公以括與戲見王王立戲樊仲山父諫曰不可

立也不順必犯犯王命必誅故出令不可不順也令

之不行政之不立行而不順民將棄上夫下事上少

事長所以爲順也今天子立諸侯而違其少是教逆

也若魯從之而諸侯傲之王命將有所壅若不從而

誅之是自誅王命也是事也誅亦失不誅亦失天子

其圖之王卒立之魯侯歸而卒及魯人殺懿公而立

伯御三十二年宣王伐魯立孝公諸侯從是而不睦

括武公長子伯括也戲括弟懿公也孝公懿公之弟稱也王命將有所壅言先王立長之命將壅塞不行也誅王命者先王之命立長今魯亦立長若誅之是自誅王命矣
戲休儀切父音甫經史唯父母之父如宇其凡地名人名皆音甫長上聲卒卽律切終也盡也與兵卒之卒不同音兵卒之卒滅沒切殺音弒

宣王欲得國子之能導訓諸侯者樊穆仲曰魯侯孝

王曰何以知之對曰肅恭明神而敬事耆老賦事行

孫鑿云突稱括戲起絕不道所以讀後諫辭乃明亦是簡法

將有所壅卽王之犯王命

而不從也誅王命乃自由命而自誅之也俱在全王生說非

刑必問於遺訓而咨於故實不干所問不犯所咨王曰然則能訓治其民矣乃命魯孝公於夷宮

國子同姓諸姬也凡王之子弟謂之國子導訓諸侯謂為州伯夷宮者夷王之廟考音苟

是進是治民之官各盡其職而後民主可殖故引司民以下告之治民之事各得其理而漫民業可興故引蒐獵以勞告之

宣王既喪南國之師乃料民於大原仲山父諫曰民不可料也夫古者不料民而知其少多司民協孤終典故司商協名姓司徒協旅司寇協姦牧協職工協革場協入廩協出是則少多死生出入往來者皆可知也於是乎又審之以事王治農於藉蒐於農隙耨穫亦

於藉猶於既烝狩於畢時是皆習民數者也又何料焉巧思不謂其少而大料之是示少而惡事也臨政示少諸侯避之治民惡事無以賦令且無故而料民天之所惡也害於政而妨於後嗣王卒料之及幽王乃廢滅

柳宗元云仲山氏果以職有所協不待料而具而料之者政之尤也姑云尔而已矣又何以示少惡事為哉况為大妄以諉乎後嗣惑于神柳愚諉之說而以定徵幽之廢然則是幽之生亂不足以云而料民以

詩云滔滔江漢南國之紀南國江漢之間也喪南國之師敗于姜戎是也料數也司民掌登萬民之數自生齒以上皆書於版協合也合其民籍以登於王也無父曰孤終死也司商掌賜族受姓之官旅師旅革更也更制度者合其數也藉藉於干畝也耨穫亦於藉言於藉考課之不謂其少云者言王不謂其衆少而大料數之是示以寡少又厭惡政事不能修之意也臨政示少云者言示天下以

國語 周一

禍之也

國語

寡弱諸侯將避遠也言不親附也爽去聲大音太

幽王三年西周三川皆震伯陽父曰周將亡矣夫天地之氣不失其序若過其序民之亂也陽伏而不能出陰遁而不能烝於是地震今三川實震是陽失其所而鎮陰也陽失而在陰川源必塞夫水土演而民用也水土無演民乏財用不亡何待昔伊洛竭而夏亡河竭而商亡今周德若二代之季矣其川源又塞塞必竭夫國必依山川山崩川竭亡之徵也川竭山必崩若國亡不過十年數之紀也夫天之所棄不

過其紀是歲也三川竭岐山崩十一年幽王乃滅周乃東遷

烝升也陰氣在下陽氣迫之使不能升也鎮為陰所鎮竿也水土氣通為演演猶潤也演則生物民得用也

鎮音珍史記作填

惠王三年邊伯石遯為國出王而立王子穰王處於鄭三年子穰飲三大夫酒子國為客樂及徧舞鄭厲公見號叔曰吾聞之司寇行戮君為之不舉而况敢樂禍乎今吾聞子穰歌舞不思憂夫出王而代其位禍孰大焉臨禍忘憂是謂樂禍禍必及之盍紙王乎

紙作納

國語

周一

號叔許諾鄭伯將王自圍門入號叔自北門入殺子
積及三大夫王乃入

王姚嬖於莊王生子積子積有寵為國為之師及
惠王即位取為國之圃及邊伯之宮又收石邀之
秩故三子出王而立子積子國為國客上客也徧
徧六代之樂也謂黃帝曰雲門堯曰咸池舜曰大
招禹曰大夏殷曰大濩周曰大武一口諸大夫徧
舞也不舉不舉樂也
邀音速薦韋委切積徒同切處上聲飲去聲樂入
聲盍戶獵切圍牛女切

十五年有神降於莘王問於內史過曰是何故固京
之乎對曰有之國之將興其君齊明表正精潔惠蘇
其德足以昭其馨香其惠足以同其民人神饗而民

孫鑿五精理

京作有

又云辟太鋪
不如內傳之
勁

聽民神無怨故明神降之觀其德政而均布福焉國
將亡其君貪冒辟邪淫佚荒怠麤穢暴虐其政腥臊
馨香不登其刑矯誣百姓攜貳明神弗蠲而民有遠
志民神怨痛無所依懷故神亦往焉觀其苛慝而降
之禍是以或見神以興亦或以亡昔夏之興也融降
於崇山其亡也夷羊在牧周之興也鸞鷲鳴於岐山其
亡也杜伯射王於鄗是皆明神之志者也王曰今是
何神也對曰昔昭王娶於房曰房后實有爽德協於

孫瓚六事怪
句語佳

丹朱丹朱馮身以儀之生穆王焉實臨照周之子孫
而禍福之夫神壹不遠徙遷焉若由是觀之其丹朱
乎王曰其誰受之對曰在虢土王曰然則何為對曰
臣聞之道而得神是謂逢福淫而得神是謂貪禍今
虢少荒其亡乎王曰吾其若之何對曰使大宰以祝
史帥狸姓奉犧牲粢盛玉帛往獻焉無有祈也王曰
虢其幾何對曰昔堯臨民以五今其胄見神之見也
不過其物若由是觀之不過五年土使太宰忌父帥
傅氏及祝史奉犧牲玉鬯往獻焉內史過從至虢虢

土作王

受云名理

公亦使祝史請土焉內史過歸告王曰虢必亡矣不
禋於神而求福焉神必禍之不親於民而求用焉民
必違之精意以享禋也慈保庶民親也今虢公動置
百姓以逞其違離民怒神而求利焉不亦難乎十九
年晉取虢

蠲潔也融祝融也回祿火神再宿為信過信曰次
夷羊神獸牧商郊牧野鸞鸞鳳之別名周春秋曰
宣王殺杜伯而無辜後二年宣王會諸侯田于圃
杜伯起于道左衣朱衣朱冠操朱弓朱矢射宣王
中心折春而死志記也記錄在史籍者爽亡也馮
依也儀匹也壹一心依馮於人也狸姓丹朱之後
胄後也物物數也傳代狸姓在周為傅氏鬯酒隧
史過之過平聲齊音齋遠志之遠去聲聆音琴器

國語

周一

七

拔悲切驚逆角切驚仕角切鄙或作鎬馮音憑大音太帥音率見音現從去聲禪音因

襄王使召公過及內史過賜晉惠公命呂甥卻芮相
晉侯不敬晉侯執玉卑拜不稽首內史過歸以告王
曰晉不亡其君必無後且呂卻將不免王曰何故對
曰夏書有之曰衆非元后何戴后非衆無與守邦在
湯誓曰余一人有皐無以萬夫萬夫有皐在余一人
在般庚白國之滅則維女衆國之不滅則維余一人
是有逸罰如是則長衆使民不可不慎也民之所急
在於大事先王知大事之必以衆濟也故祓除其心

屬隆云引三

書似無根着

而實有深意

夏書見不可

不敬王而甲

其上湯誓見

不可虐處者

而度其民般

度見不可廣

心遠墜而施

其所惡故總

之曰長衆使

民不可不慎

也暗舍裁諫

此篇綱領

以蘇惠民考中度衷以泄之昭明物則以訓之制義
庶孚以行之祓除其心精也考中度衷忠也昭明物
則禮也制義庶孚信也然則長衆使民之道非精不
蘇非忠不立非禮不順非信不行今晉侯即位而背
外內之賂虐其處者棄其信也不敬王命棄其禮也
施其所惡棄其忠也以惡實心棄其精也四者皆棄
則遠不至而近不蘇矣將何以守國古者先王既有
天下又崇立上帝明神而敬事之於是乎有朝日夕
月以教民事君諸侯春秋受職於王以臨其民大夫

又云語未工

惟本作怡
字作以

妙旨

可雅字

士日惟位^雅箸^雅字傲其官庶人工商各守其業以共其上猶恐有墜失也故為車服旗章以旌之為華幣瑞節以鎮之為班爵貴賤以列之為令聞嘉譽以聲之猶有散遷解慢而箸在刑辟流在裔土於是乎有夷蠻之國有斧鉞刀墨之民而況可以淫縱其身乎夫晉侯非嗣也而得其位壘壘怵惕保任戒懼猶曰未也若將廣其心而遠其隣陵其民而卑其上將何以固守夫執玉卑替其擊也拜不稽首誣其王也替擊無鎮誣王無民夫天事恒象任重享大者必速及故

晉侯誣王人亦將誣之欲替其鎮人亦將替之大臣享其祿弗諫而阿之亦必及焉襄王三年而立晉侯八年而隕於韓十六年而晉人殺懷公無胄秦人殺子金子公

命瑞命諸侯即位天子賜之命圭以為瑞節一曰命服也諸侯七命冕服七章大事戍禮也祓猶拂也泄臨也考察已之中因以度人之心恕以臨之也庶衆也孚信也昔外將不干秦地背內賂不予里平之田也虐其處者殺里平之黨也中庭之左右曰位門屏之間曰箸旌表也鎮重也替廢也廢其執擊之禮也恒常也事善象吉事惡象凶胃後也子余呂甥子公卻芮之字也公過史過俱平聲相去聲臯古文罪字秦以其似皇字改為罪般音盤女音汝長上聲度入聲處上

同音

周一

一百

聲朝平聲共音供摯音至或作贊聞去聲解上聲說文無壘字古但作媿任而林切又而

襄王使大宰文公及內史與賜晉文公命上卿逆於境晉侯郊勞館諸宗廟饋九宰雅○字設庭燎及期命於武官設桑主布几筵大宰涖之晉侯端委以入大宰以王命命冕服內史贊之三命而後即冕服既畢賓饗贈餞如公命侯伯之禮而加之以宴好內史與歸以告王曰晉不可不善也其君必霸逆王所教奉禮義成敬王命順之道也成禮義德之則也則德以道諸侯諸侯必歸之且禮所以觀忠信仁義也忠所以分

一本所作命教作敬孫瓚曰可厭

也仁所以行也信所以守也義所以節也忠分則均仁行則報信守則固義節則度分均無怨行報無匱守固不偷節度不攜若民不怨而財不匱令不偷而動不攜其何事不濟中能應外忠也施○字○法三服義仁也守禮不淫信也行禮不疚義也臣入晉境四者不失臣故曰晉侯其能禮矣王其善之樹於有禮艾人必豐王從之使於晉者道相遠也及惠后之難王出在鄭晉侯納之襄王十六年立晉文公二十一年以諸侯朝於衡雝且獻楚捷遂為踐土之盟於是乎始霸

又云形容

武宮文公之祖武公之廟也端委說云衣玄端冠
 委貌諸侯祭服也韋氏云此士服也諸侯之子未
 受爵命服士服也奉禮義成謂三讓賓饗之屬皆
 如禮度得其度也施三謂三讓也服義服得其宜
 謂端委也艾報也惠后惠王之后襄王繼母陳嬀
 也陳嬀有寵生子帶將立未及而卒子帶奔齊王
 復之又通於襄王之后隗氏王替隗氏周大夫頹
 叔桃子奉幣以翟師伐周王出適鄭處於汜魯僖
 二十五年晉侯納王于周而殺子帶襄王十六年
 魯僖之二十四年也

大音秦燎力燒切及力召切好呼報切道通作導
 艾去聲使去聲難去聲朝音潮灘去聲踐似淺切

襄王十三年鄭人伐滑王使游孫伯請滑鄭人執之

王怒將以翟伐鄭富辰諫曰不可人有言曰兄弟讒

閔侮人百里周文公之詩曰兄弟閔于牆外禦其侮

若是則閔乃內侮而雖閔何法不敗親也鄭在天子兄弟

也鄭武莊有大勳力於平桓凡我周之東遷晉鄭是

依子頹之亂又鄭之由定今以小忿棄之是以小怨

置大德也無乃不可乎且夫兄弟之怨格言不徵於它徵

於它利乃外矣章怨外利不義棄親即翟不祥以怨

報德不仁夫義所以生利也祥所以事神也仁所以

保民也不義則利不阜不祥則福不降不仁則民不

至古之明王不失此三德者故能光有天下而蘇寧

百姓令聞不忘王其不可以棄之王不聽十七年王

內傳富辰之言曰報者倦矣施者未厭又啓之女德無極焉無終彼必爲患

降翟師以伐鄭王德翟人將以其女爲后富辰諫曰

不可夫婚姻禍福之階也利內則福由之利外則取

禍今王外利矣其無乃階禍乎昔摯疇之國也由大

任杞繪由大姒齊許申呂由大姜陳由大姬是皆能

內利親親者也昔鄆之亡也由仲任密須由伯姑鄆

由叔妘聃由鄭姬息由陳媯鄧由楚曼羅由季姬廬

由荆媯是皆外利離親者也王曰利何如而內何如

而外對曰尊貴明賢庸勳長老愛親禮新親舊然則

民莫不審固其心力以役上官官不易方而財不匱

則求無不至動無不濟百姓兆民夫人奉利而歸諸

上字○法是利之內也若七德離判民乃攜貳各以利退上

求不暨是其外利也夫翟無列於王室鄭伯南也王

而卑之是不尊貴也翟豺狼之德也鄭未失周典王

而蔑之是不明賢也平桓莊惠皆受鄭勞王而棄之

是不庸勳也鄭伯捷之齒長矣王而弱之是不長老

也翟隗姓也鄭出白宣王王而虐之是不愛親也夫

禮新不閒舊王以翟女閒姜任非禮且棄舊也王一

舉而棄七德臣故曰利外矣書有之曰必有忍也若

孫鑿云未條稍錯綜固有致

能有濟也。王不忍小忿而棄鄭，又登叔隗以階翟。翟雅字封豕豨狼也，不可厭也。王弗聽，十八年，王黜翟后，翟人來誅，殺譚伯。富辰曰：昔吾驟諫王，王弗從，以及此難。若我不出王，其以我為懟乎？乃以其屬死之初，惠后欲立王子帶，故以其黨啓翟人，翟人遂入周。王乃出居於鄭，晉文公納之。

先是鄭伐滑，滑人聽命鄭師，還又即衛，故鄭師又伐滑。鄭文公怨惠王之入而不與，厲公爵又怨襄王之與衛，滑故不聽王命而執王使，閔侮也。兄弟雖以讒言相違，狼猶禁禦它人，侵侮已者，徵召也。降下也。摯疇大任之家也。大任，王季之妃，杞繒太姒之家也。太姒，文王之妃，齊許申，呂皆姜姓。大姜

之家也。大姜，大王之妃，陳媯姓。大姬，武王元女，內利內行，七德親親，以申固其家也。仲任，氏女，為鄆夫人。伯姑，密須之女也。鄆，姁姓，叔姁，鄆夫人，聃姬姓。鄭姬，聃夫人，亦其驥姓，所以二也。陳媯，息侯夫人，傳稱楚子滅息，以息媯歸，是也。楚曼，鄧女，為楚武王夫人，生文王。過鄧而利其國，遂滅鄧而兼之。季姬，羅夫人，荆媯，廬女，為荆夫人，荆楚也。外利，行淫僻，求利於外，不能親親，以二其國也。夫人，猶人，人也。暨，至也。列位，次也。伯南，者賈侍中，云在南服之侯，伯也。或云南，南面而君也。鄭司農云：南，謂子男畿內之諸侯，雖爵於侯，伯，周之舊法，皆食子男之地也。蔑，小也。間代也。姜氏，任氏之女，世為王妃。今以翟女代之，為棄舊也。階，階翟禍也。封，大也。闕，火歷切。它，古文他字。蘇，篆文和字。古今通用。闕，去聲。大音泰。任，平聲。繒，平聲。礪，祥里切。鄆，音偃。始，極乙切。鄆，古外切。姁，音云。曼音萬。長，上聲。夫人之，夫音扶。退，古文退字。隗，午罪切。開，去聲。厭，一占切。又於豔切。難，去聲。

孫鑰云：此節法

又云：平鋪起

陶望齡云：請
惡事簡而後

晉文公既定襄王於郊，王勞之以地，辭請隧焉。王弗
許，曰：「昔我先王之有天下也，規方千里，以為甸服，以
共上帝山川百神之祀，以備百姓兆民之用，以待不
庭不虞之患，其餘以均分公侯伯子男，使各有寧宇，
以順及天地，無逢其災害，先王豈有賴焉！內官不過
九御，外官不過九品，足以共給神祇而已，豈敢厭縱
其耳目心腹，以亂百度，亦唯是死生之服物采章，以
臨長百姓，而輕重布之，王何異之有！今天降禍災於
周室，余一人僅亦守府，又不佞以勤叔父，而班先王
之大物以賞私德，其叔父實應且憎，以非余一人，余
一人豈敢有愛也！先民有言曰：『改玉改行。』叔父若能
光裕大德，更姓改物，以創制天下，自顯庸也，而縮取
備物，以鎮撫百姓，余一人其流辟於裔土，何辭之與
有！若由是姬姓也，尚將列為公侯，以復先王之職，大
物其未可改也。叔父其茂昭明德，物將自至，余敢以
私勞變前之大章，以忝天下，其若先王與百姓何！何
政令地為也？若不然，叔父有地而隧焉，余安能知之。
文公遂不敢請受地而還。」

真而曰曰晉
文定襄王自

以為不世之
功其語隨也

蓋寢寢乎窺
大物之漸王

何異曰私德
曰私勞所以

折其驕矜不
濼之意玩其

神氣若優游
而實峻烈直

可為論告諸
侯之法

孫鑰云：此語
收

郊洛邑王城之地也賈侍中云王之葬禮闕地通路曰隧韋氏云隧六隧也周禮天子遠郊之內有六鄉則六軍之事也外有六隧掌供王之貢賦唯天子有隧諸侯則無規規畫而有之也賴利也言無所利皆均分諸侯也王何異之有帝王皆然也勤勞也應猶受憎惡也言晉文雖當私賞猶非我一入也玉佩玉所以節行步也君臣尊卑遲速有節言服其服器行其禮晉侯尚在臣位不宜有隧也改物改正朔易服色也創造也庸用也謂為天子造創制度自顯用於天下也縮引也
勞去聲共音供獸厭同長上聲更平聲辟音避還音旋

孫鑣云辭命又云章法

工時

王至自鄭以陽樊賜晉文公陽人不服晉侯圍之倉葛呼曰王以晉君為德故勞之以陽樊陽樊懷我王德是以未從於晉謂君其何德之布以懷柔之使無

有遠志今將大泯其宗祊而蔑殺其民人宜吾不敢服也夫三軍之所尋將蠻夷戎狄之驕逸不虔於是乎致武此羸者陽也未狎君政故臣承命君若惠及之唯官是徵其敢逆命何足以辱師君之武震無乃玩而頓乎臣聞之曰武不可覲文不可匿覲武無烈其敢自愛也且夫陽豈有裔民夫亦皆天子之父兄甥舅也若之何其虐之也晉侯聞之曰是君子之言也乃出陽民

陶望齡云找得嚴厲又云德虐字相照

陽樊二邑廟門謂之祊羸弱也狎習也覲見也匿
隱也祇適也言陽人既不得承王室為甸服又懼
晉不惠恤其民適以震威耀武而見殘破不然豈
敢自愛而不服乎裔民謂凶惡之民放在荒裔者
呼去聲勞去聲遠去聲祊脯橫切祇章移切

以殺叔武執
之亦未為不
是殺之則甚
美王以上下
為言尚存典
則
孫鑪云大論

溫之會晉人執衛成公歸之於周晉侯請殺之王曰
不可夫政自上下者也上作政而下行之不逆故上
下無怨今叔父作政而不行無乃不可乎夫君臣無
獄今元咺雖直不可聽也君臣皆獄父子將獄是無
上下也而叔父聽之逆矣又為臣殺其君其安庸
刑布刑而不庸再逆矣一合諸侯而有再逆政余懼

其無後也不然余何私於衛侯晉人乃歸衛侯

晉文公討不服衛成公恃楚而不從聞楚師敗于
城濮懼出奔楚使元咺奉叔武以受盟於踐上或
愬元咺曰立叔武矣衛侯殺其子角咺不廢命奉
叔武以守晉人復衛侯衛侯先期入叔武將沐聞
君至喜捉髮走出前驅射而殺之元咺出奔晉會
于濫討不服也衛侯與元咺訟不勝故晉侯執之
歸之于京師不行謂不順也言晉侯不行德政而
聽元咺之愬欲殺衛侯也無後無以復合諸侯也
為去聲

二十四年秦師將襲鄭過周北門左右免胄而下超
乘者三百乘王孫滿觀之言於王曰秦師必有譴王
曰何故對曰師輕而驕輕則寡謀驕則無禮無禮則

國語

三

脫寡謀自陷入險而脫能無敗乎秦師無譴是道廢也是行也秦師還晉人敗諸殺獲其三帥丙術視

兵車參乘御在中央故左右下也曹兗盞也免脫也脫曹而下敬天王也超乘跳躍而上車譴猶咎也脫簡脫也言不敦旅整陳丙術視謂白乙丙西乞術孟明視乘去聲輕去聲

晉侯使隨會聘於周定王饗之殺烝原公相禮范子私於原公曰吾聞王室之禮無毀折今此何禮也王見其語也召原公而問之原公以告王召士季曰子弗聞乎禘郊之事則有全烝王公立飫則有房烝親

禮之疑故言

可貴未竟

戚宴饗則有殺烝今女非它也而叔父使士季實來

修舊德以獎王室唯是先王之宴禮欲以貽女余一人敢設飫禘焉忠非親禮而干舊職以亂前好且唯夫戎翟則有體薦夫戎翟冒沒輕儻貪而不讓其血氣不治若禽獸焉其適來班貢不俟馨香嘉味故坐諸門外而使舌人體委與之女今我王室之一二兄弟以時相見將蘇協典禮以示民訓則無亦擇其嘉選其馨香潔其酒醴品其百籩修其簠簋奉其犧象出其尊彝陳其鼎俎靜其中冪敬其祓除體解節

孫鑿云舌人能今之通事

又云辨骨大

國語

周一

三二

折而共飲食之於是乎有折俎加豆酬幣宴貨以示容合好胡有子然其效戎翟也夫王公諸侯之有飶也將以講事成章建大德昭大物也故立成禮烝而已飶以顯物宴以食好歲飶不倦時宴不淫月會旬修日完不忘服物昭庸采飾顯明文章比象周旋序順容貌有崇威儀有則五味實氣五色精心五聲昭德五義紀宜飲食可饗餼同可觀財用可嘉則順而建德古之善禮者將焉用全烝武子遂不敢對而退歸乃講聚三代之典禮於是乎修執秩雅字以為晉法

隨會士薦之孫隨武子也字季食采於隨范故或曰隨會或曰范子或曰士季或曰武子烝升也殺而升之也禮之立成者為飶房大俎也謂半解其體升之房也獎成也忠厚也親禮親戚宴享之禮也舊職故事冒抵觸也沒入也儻進退上下無列也班賦也舌人能達異方之志象胥之官也犧犧尊象象尊禮烝而已者升其備物而已也日完日完一日之所為不忘不忘其禮也庸功也冕服旗章所以昭有功采色之飾所以顯明德也文章黼黻錦繡之文章也比象此文以象山龍華蟲之屬崇飾也五色精心五色之章所以異賢不肖精其心也五聲昭德聞其樂知其德也五義謂父義母慈兄友弟恭子孝也則順之法也晉文公蒐于被廬作執秩之法靈公以來闕而不用武子修之殺或作肴毀折之折之列切告入聲飶一庶切女音汝好去聲治本平聲借為去聲凡平聲不音羣音覓飲去聲食去聲會古外切將焉之焉音偃

孫鑿云工辭
又二章法

用句最工且
錯綜有致

既狼之田生
草如初莠時

所謂玉在草
間是也

體大方唯以
遺語勝
玩其前後錯
綜相應處得
變換法

豈段徵古而
以今字入事
是塩鐵論散
不足昌黎原
道所祖
命食是令中

國語

三十三

定王使單襄公聘於宋遂假道於陳以聘於楚火朝
 覲矣道弗不可行也候不在疆司空不視塗澤不陂
 川不梁野有庾積場功未畢道無列樹墾田若執膳
 宰不致餼司里不授館國無寄寓縣無施舍民將築
 臺於夏氏及陳陳靈公與孔寧儀行父南冠以如夏
 氏畱賓弗見單子歸告王曰陳侯不有大咎國必亡
 王曰何故對曰夫辰角見而雨畢天根見而水涸本
 見而草木節解駟見而隕霜火見而清風戒寒故先
 王之教曰雨畢而除道水涸而成梁草木節解而備
 藏隕霜而冬裘具清風至而修城郭宮室故夏令曰
 九月除道十月成梁其時儆曰收而場功待而畚揭
 營室之中土功其始火之初見期於司里此先王之
 所以不用財賄而廣施德於天下者也今陳國火朝
 覲矣而道路若塞野場若棄澤不陂鄣川無舟梁是
 廢先王之教也周制有之曰列樹以表道立鄙食以
 守路國有郊牧置有寓望藪有圃草囿有林池所以
 禦災也其餘無非穀土民無縣藉野無奧草不奪民
 時不蔑民功有優無匱有逸無罷國有班事縣有序

國語

周一

三四

國言
民。今陳國道路不可知。田後。語。在草間。功成而不收。民罷於逸樂。是棄先王之法制者也。周之秩官有之。曰。敵國賓至。關尹以告。行理雅。字。以節逆之。候人爲導。卿出郊。勞門尹除門。宗祝執祀。司里授館。司徒具徒。司空視塗。司寇詰姦。虞人入材。甸人積薪。火師監燎。水師監濯。膳宰致餐。廩人獻餼。司馬陳芻。工人展車。百官官以物至。賓入如歸。是故小大莫不懷愛。其貴國之賓至。則以班加一等。益虔。至於王使。則皆官正。涖事。上卿監之。若王巡守。則君親監之。今雖朝也。不才有分。

族於周。承王命以爲過。賓於陳。而司事莫至。是蔑先王之官也。先王之令有之。曰。天道賞善而罰淫。故凡我造國。無從非彛。無卽慝。淫各守爾典。以承天休。今陳侯不念胤續之常。棄其仇。儷妃嬪。而帥其卿佐。以淫於夏氏。不亦瀆姓矣乎。陳我大姬之後也。棄袞冕。而南冠以出。不亦簡彛乎。是又犯先王之令也。昔先王之教。茂率其德也。猶恐隕越。若廢其教。而棄其制。蔑其官。而犯其令。將何以守國。居大國之間。而無此四者。其能久乎。六年。單子如楚。八年。陳侯殺於夏氏。

九年楚子入陳

聘禮若過國至於境使次介假道束帛將命於廟
時天子微弱故以諸侯之禮假道火心星朝見謂
夏之十二月晨見於辰也草穢塞路為蒞候人
陂鄆也蒞猶蒞也言其稀少猶若蒞物寓亦寄也
辰角大辰蒼龍之角宿朝見謂東方建戌之初寒
露節也天根亢氏之間寒露之後五日天根朝見
也本氏也寒露後十日陽氣盡草木之枝節皆理
解也駟房星駟兄建戌之中火見霜降之後倚具
也揭昇上器也定謂之營室謂建亥小雪之中定
星昏正於午詩云定之方中作於楚宮是也期會
也致其築作之具會於司里之官也鄙四鄙十里
有廬廬有飲食薑境也境界之上有寄寓之舍候
望之人也民無縣耜言常川也野無與草皆墾闢
也茂棄也秩官周常官篇各理吏也行理小行人
熟食日餐生日餼展車展省客車補傷敗也朝單
于名仇對儷儷也夏徵舒靈公之從祖父也而淫

其妻是為瀆姓簡彘言其棄禮簡畧常服
單常衍切蒂音弗庚愈甫切庚積之積子賜切按
注施舍者所以施舍賓客負任之處則施當作弛
式爾切見音現涸下各切又戶各切收而之收去
聲一云如字倚直里切畚音本揭九玉切壘即疆
字圍于六切又于救切按經史多從于救切縣耜
之縣音懸與于六切又烏報切罷音疲閒音奸樂
入聲勞去聲監平聲使去聲有分之分一作介造
徂蚤切儷郎記切說文作大支切帥音率瀆或作
黷又作嬾古字通殺申志切或作弒

定王八年使劉康公聘於魯發幣於大夫季文子孟
獻子皆儉叔孫宣子東門子家皆侈歸王問魯大夫
孰賢對曰季孟其長處魯乎叔孫東門其亡乎若家
不亡身必不免王曰何故對曰臣聞之為臣必臣為

陶望齡云皆
儉皆侈二語
和討分號
孫鑛云大可

君必君寬肅宣惠君也敬恪恭儉臣也寬所以保本也肅所以濟時也宣所以教施也惠所以蘇民也本有保則必固時動而濟則無敗功教施而宣則福惠以蘇民則阜若本固而功成施徧而民阜乃可以長保民矣其何事不徹敬所以承命也恪所以守業也恭所以給事也儉所以足用也以敬承命則不違以恪守業則不懈以恭給事則寬於死以儉是用則遠於憂若承命不違守業不懈寬於死而遠於憂則可以上下無隙矣其何任不堪上任事而徹下能堪其

一本其作則

任所以為令聞長世也今夫二子者儉其能足用矣用足則族可以庇二子者侈侈則不恤匱匱而不恤憂必及之若是則必廣其身且夫人臣而侈國家弗堪亡之道也王曰幾何對曰東門之位不若叔孫而泰侈焉不可以事二君叔孫之位不若季孟而亦泰侈焉不可以事三君若皆蚤世猶可若登年以載其壽必亡十六年魯宣公卒赴者未及東門氏來告亂子家奔齊簡王十一年魯叔孫宣伯亦奔齊成公未沒二年

廣其身務自廣大不顧其上也東門大夫叔孫下卿季孟上卿登年多歷年也東門子家謀去三桓使如晉未反宣公薨三桓逐子家遂奔齊也赴者未及明不及二君來告告周也宣伯通於宣公夫人穆姜欲去季孟而專公室國民逐之故出奔齊言成公未沒二年明不及三君也
施去聲徹直列切又勅列切遠去聲令聞之聞去聲其能之其或作則幾上聲

簡王八年魯成公來朝使叔孫僑如先聘且告見王孫說與之語說言於王曰魯叔孫之來也必有異焉其享覲之幣薄而言諂殆請之也若請之必欲賜也魯執政唯彊故不歡焉而後遣之且其狀方上而銳下宜觸冒人王其勿賜若貪陵之人來而盈其願是

柳宗元曰夫惡叔孫者秦後貪陵則可

矣方上而銳下非所以得罪於天子

不賞善也且財不給故聖人之施舍也議之其喜怒取予也亦議之是以不主寬惠亦不主猛毅主德義而已王曰諾使私問諸魯請之也王遂不賜禮如行人及魯侯至仲孫蔑為介王孫說與之語說讓說以語王王厚賄之

魯執政唯強魯執政之人唯畏其強難拒其欲故不歡說而遣之也介上介所以佐相禮儀說讓言蔑好讓
朝音潮先去聲說音悅施去聲予音與語去聲

晉既克楚於鄢使郤至告慶於周末將事王叔簡公飲之酒交酬好貨皆厚飲酒宴語相說也明日王叔

孫鑿云備法

又云語亦多排而稍不覺以骨勝而微鏘綜故

氣甚逸

逸氣却從鍊中來

陶望齡云微謀言不止於善謀以終上文已實謀之意檀弓雖微著而已亦如此解注軍無謀策似未是柳宗元曰卻氏良大夫不幸其宗後而尤兄弟之不作未令而智不能同強不能制遭若屬之淫暴諸變稱構

國語

子譽諸朝卻至見召桓公與之語召公以告單襄公曰王叔子譽溫季以為必相晉國相晉國必大得諸侯勸二三君子必先導焉可以樹今夫子見我以晉國之克也為已實謀之曰微我晉不戰矣楚有五敗晉不知乘我則強之背宋之盟一也薄德而以地賂諸侯二也棄壯之良而用幼弱三也建立卿士而不_可用其言四也夷鄭從之三陳而不整五也臯不由晉晉得其民四軍之帥旅力方剛卒伍治整諸侯與之是有五勝也有辭一也得民二也軍帥彊禦三也行

列治整四也諸侯輯睦五也有一勝猶足用也有五勝以伐五敗而避之者非人也不可以不戰欒范不欲我則強之戰而勝是吾力也且夫戰也微謀吾有三伐勇而有禮反之以仁吾三逐楚君之卒勇也見其君必下而趨禮也能獲鄭伯而赦之仁也若是而知晉國之政楚越必朝吾曰子則賢矣抑晉國之舉也不失其次吾懼政之未及子也謂我曰夫何次之有昔先大夫荀伯自下軍之佐以政趙宣子永有軍行而以政今欒伯自下軍往是三子也吾又過於四

國語

周一

三九

以利其室卒
及于禍吾嘗
憐焉今夫執
筆者以其及
也而必求其
惡以濫於後
世然則有大
惡幸而得終
者則固掩矣
孫鑛不章法
又云如層滂
之瀾
以上字易下
字妙有致

之無不及若佐新軍而升為政不亦可乎將必求之
是其言也君以為奚若襄公曰人有言曰兵在其頸
其郤至之謂乎君子不自稱也非以讓也惡其蓋人
也夫人性陵上者也不可蓋也求蓋人其抑下滋甚
故聖人貴讓且諺曰獸惡其網民惡其上書曰民可
近也而不可上也詩云豈弟君子求福不回在禮敵
必三讓是則聖人知民之不可加也故王天下者必
先諸民然後庇焉則能長利今郤至在七人之下而
欲上之是求蓋七人也其亦有七怨怨在小醜猶不

可堪而況在侈卿乎其何以待之晉之克也天有惡
於楚也故傲之以晉而郤至佻天以為已力不亦難
乎佻天不祥乘人不義不祥則天棄之不義則民畔
之且郤至何三伐之有夫仁禮勇皆民之為也以義
死用謂之勇奉義順則謂之禮畜義豐功謂之仁姦
仁為佻姦禮為羞姦勇為賊夫戰盡敵為上守餘同
順義為上故制戎以果毅制朝以序成畔戰而擅舍
鄭君賊也棄毅行容羞也畔國即讐佻也有三姦以
求替其上遠於得政矣以吾觀之兵在其頸不可久

也雖吾王叔未能違難在太誓曰民之所欲天必從之王叔欲郤至能勿從乎郤至歸明年死難及伯輿之獄王叔陳生奔晉

晉厲公伐鄭楚人救之戰於鄢陵楚師敗績樹樹黨於晉也鼻不由晉言楚叛盟非晉之鼻故晉有辭也微謀言軍無謀策微無也伐功也先諸民先求民志也庇猶蔭也言王者先安民然後自庇蔭也佻偷也姦仁以姦偽行仁也守和同謂不相與戰而平和也容儀容也謂下趨也違避也明年郤至為厲公所殺王叔陳生與伯輿爭政王叔不勝遂出奔晉

郤乞逆切從下下音邑與郤退之郤不同郤乞約切與却同俱從下下音節飲去聲好去聲說音恍譽音餘朝音潮相去聲強巨兩切又其亮切背音佩三陳之陳去聲治去聲行列浪切經典多戶郎切韓音集強上聲惡去聲其上可上欲上俱上聲豈弟一本愷悌故王之王去聲佻上堯切舍音捨遠去聲大誓之大音太難去聲

極宗元日以語之迂而曰宜死則單子之語迂之太者

柯陵之會單襄公見晉厲公視遠步高晉郤錡見單子其語犯郤犢見其語迂郤至見其語伐齊國佐見其語盡魯成公見言及晉難及郤犢之譖單子曰君何患焉晉將有亂其君與三郤其當之乎魯侯曰寡人懼不免於晉今君曰將有亂敢問天道乎抑人故也對曰吾非瞽史焉知天道吾見晉君之容而聽三郤之語矣殆必禍者也夫君子目以定體足以從之

隱望齡云爽
二語妙云誤
何說
孫鑛云名言

是以觀其容而知其心矣。目以處義，足以步目。今晉侯視遠而足高，目不在體而足不步，目其心必異矣。目體不相從，何以能久？夫合諸侯國之大事也。於是乎觀存亡，故國將無咎。其君在會，步言視聽必皆無謫，則可以知德矣。視遠日絕其義，足高日棄其德，言爽日反其信，聽淫日離其名。夫目以處義，足以踐德，口以庇信，耳以聽名者也。故不可不慎也。偏喪有咎，既喪則國從之。晉侯爽二吾是，以云夫郤氏晉之寵人也。三卿而五大夫，可以戒懼矣。高位寔疾，儻厚味寔腊。毒今郤伯之語犯叔，迺季伐犯則陵人，迺則誣人，伐則揜人，有是寵也而益之以三怨，其誰能忍之？雖齊國子亦將與焉。立於淫亂之國而好盡言以招人，過怨之本也。唯善人能受盡言，齊其有乎？吾聞之，國德而隣於不修，必受其福。今君偪於晉而隣於齊，齊晉有禍可以取伯，無德之患何憂於晉？且夫長翟之人利而不義，其利淫矣。流之若何？魯侯歸乃逐叔孫僑如。簡王十一年，諸侯會於柯陵。十二年，晉殺三郤。十三年，晉侯殺於翼，東門葬以車一乘。齊人殺國

陶望齡云雖
字一轉亦自
有法

國語

國語

周一

三

武子

魯成十七年公會尹子單子晉侯齊國佐邾人於柯陵以伐鄭言及晉難語次及晉將罪已之難及為卻犢所誣也晉將伐鄭使欒黶乞師於魯成公將如會叔孫僑如通於成公之母穆姜欲去季孟而取其室姜怒公使逐季孟公以晉難告請反而聽命姜怒公使逐季孟公以晉難告請反此皆君也公懼待以壞墮微守而後行故不及戰卻犢受僑如之賂為之譖魯於晉侯曰魯侯後至將以待勝者也晉侯怒不見公故公為單子言之淫濫也離失也名聲也疾速債墮也賂亟也三怨陵誣掩也國德已國有德也隣於不修與不修德者為隣也長翟之人謂僑如也僑如之父敗翟於鹹獲長翟僑如因名其子其利淫矣言其所利驕淫之事耳流放也

字誤腊音昔將與之與去聲伯音霸侯殺之殺音弒乘去聲

左氏內傳大都嚴整外傳大都浩瀚此篇浩瀚中且有嚴整

晉孫談之子周適周事單襄公立無跛視無還聽無聳言無遠言敬必及天言忠必及利言信必及身言仁必及人言義必及利言知必及事言勇必及制言敘必及辯言孝必及神言惠必及蘇言讓必及敵晉國有憂未嘗不戚有慶未嘗不怡襄公有疾召頃公而告之曰必善晉周將得晉國其行也文能文則得天地天地所胙小而後國夫敬文之恭也忠文之實也信文之孚也仁文之愛也義文之制也知文之與

也勇文之帥也、教文之施也、孝文之本也、惠文之慈也、讓文之材也、象天能敬、帥意能忠、思身能信、愛人能仁、利制能義、事建能知、帥義能勇、施辯能教、昭神能孝、慈、能惠、推敵能讓、此十一者、夫子皆有焉、天六地五、數之常也、經之以天、緯之以地、經緯不爽、文之象也、文王質文、故天胙之以天下、夫子被之矣、其昭穆又近、可以得國、且夫立無跛、正也、視無還端也、聽無聳成也、言無遠慎也、夫正德之道也、端德之信也、成德之終也、慎德之守也、守終純固、道正事信、明

令德矣、慎成端正、德之相也、為晉休戚、不肯本也、被文相德、非國何取、成公之歸也、吾聞晉之筮之也、遇乾之否、曰配而不終、君三出焉、一既往矣、後之不知、其次必此、且吾聞之、成公之生也、其母夢神、規其臀、以墨、曰使有晉國、三而昇、驩之孫、故名之曰黑臀、於今再矣、襄公曰驩、此其孫也、而令德孝恭、非此其誰、且其夢也、必驩之孫、實有晉國、其卦曰必三取君於周、其德又可以君國、三襲焉、吾聞之大誓、故曰朕夢協于朕卜、襲于休祥、戎商必克、以三襲也、晉仍無道

孫鑲五章法

國語

周一

三

而鮮冑其將失之矣必蚤善晉子其當之也頃公許諾及厲公之亂召周子而立之是為悼公

晉自獻公用驪姬之讒詛不畜羣公子故孫周適周事單襄公談晉襄公之孫惠伯談也周談之子跛偏任也晴轉復反為還言義必及利者能利人物然後為義易曰利物足以和義言讓必及敵者雖在匹敵猶以禮讓也肝福也天之所福小則得國也夫子晉周也天六地五者天有六氣地有五被服之也成公之歸自周歸於晉也配配先君也不終子孫不終為君也君三出焉三出於周也一謂成公規畫也鼻予也驩合也三襲德夢卦也跛彼義切又補火切還音旋言知之知音智頃音傾帥音率施去聲昭穆之昭當作昭相去聲為晉之為音謂背音倍否上聲大誓之大音太鮮上聲

孫鑿云使刪二百餘言當

為善文又云平鋪起

靈王二十二年穀洛鬪將毀王宮王欲壅之太子晉諫曰不可晉聞古之長民者不墮山不崇藪不防川不竇澤夫山土之聚也藪物之歸也川氣之導也澤水之鍾也夫天地成而聚於高歸物於下疏為川谷以導其氣陂唐汚庠以鍾其美是故聚不弛崩而物有所歸氣不沉滯而亦不散越是以民生有財用而有所歸然則無天昏札瘥之憂而無饑寒乏匱之患故上下能相固以待不虞古之聖王唯此之慎昔共工棄此道也虞於湛樂淫失其身欲壅防百川墮

高堙^字庫以害天下，皇天弗福，庶民弗助，禍亂並興，共
工用滅，其在有虞，有密伯、鯀播其淫心，稱遂共工之
過，堯用殛之於羽山，其後伯禹念前之非度，釐改制
量，象物天地，比類百則，儀之於民，而度之於羣生，共
之從孫，四岳佐之，高高下下，疏川道滯，鍾水豐物，封
崇九山，決汨九川，陂鄣九澤，豐殖九藪，汨越九原，宅
居九隩，合通四海，故天無伏陰，地無散陽，水無沉氣，
火無災燿，神無閒行，民無淫心，時無逆數，物無害生，
帥象禹之功，度之於軌儀，莫非嘉績，克厭帝心，皇天

嘉之，胙以天下，賜姓曰姒氏，曰有夏，謂其能以嘉祉
殷富生物也，胙四岳國，命爲侯伯，賜姓曰姜氏，曰有
呂，謂其能爲禹股肱心膂，以養物豐民人也，此一王
四伯，豈繫多寵，皆亡王之後，唯能釐舉嘉義，以有胤
在下，守祀不替其典，有夏雖衰，杞鄩猶在，申呂雖衰，
齊許猶在，唯有嘉功，以命姓受祀，迄於天下，及其失
之也，必有悖淫之心，閒之故，亡其氏姓，陪弊不振，絕
後無主，堙替隸圉，夫亡者豈繫無寵，皆黃炎之後也，
唯不帥天地之度，不順四時之序，不度民神之義，不

儀生物之則以殄滅無胤至於今不祀及其得之也
 必有忠信之心聞之度於天地而順於時動餘於民
 神而儀於物則故高朗令終顯融昭明命姓受氏而
 附之以令名若啓先王之遺訓省其典圖刑法而觀
 其廢興者皆可知也其興者必有夏呂之功焉其廢
 者必有共鯀之敗焉今吾執政無乃實有所避而潛
 夫二川之神使至於爭明以妨王宮王而飾之無乃
 不可乎人有言曰無過亂人之門又曰佐險語離者嘗焉
 佐鬪者傷焉又曰禍不好不能為禍詩曰四牡騤騤

佛印吳也顯

示災異欲王

却敬耳培氣

非是

孫鑛云此文

文勢稍圓

旗旄有翩亂生不夷靡國不泯又曰民之貪亂寧為
 荼毒夫見亂而不惕所殘必多其飾彌章民有怨亂
 猶不可遏而况神乎王將防鬪川以飾宮是飾亂而
 佐鬪也其無乃章禍且遇傷乎自我先王厲宣幽平
 而貪天禍至於今未弭我又章之懼長及子孫王室
 其愈卑乎其若之何自后稷以來寧亂及文武成康
 而僅克安民自后稷之始基靖民十五王而文始平
 之十八年而康克安之其難也如是厲始革典十四
 王矣基德十五而始平基禍十五其不濟乎吾朝夕

年諸本作王是

孫續云章法

下本作下
又云十餘句
作是疑勢復
更一折固自
妙筆但得奇
峭共辭而句
雨錯綜乃更
善

國語
三十一
傲懼曰其何德之修而少光王室以逆天休王又章
輔禍亂將何以堪之王句○法○無亦鑒於黎苗之王下及夏
商之季上不象天而下不儀地中不餼民而方不順
時不共神祇而蔑棄五則是○切○法○以人夷其宗廟而火焚
其彝器子孫為隸○切○法○卜夷於民而亦未觀夫前哲令德
之則則此五者而受天之豐福饗民之勳力子孫豐
厚令聞不忘是皆天子之所知也天所崇之子孫或
在畎畝由欲亂民也畎畝之人或在社稷由欲靖民
也無有異焉詩云殷鑒不遠近在夏后之世將焉用

飾宮以徼亂也度之天神則非祥也比之地物則非
義也類之民則則非仁也方之時動則非順也咨之
前訓則非正也觀之詩書與民之憲言皆亡王之為
也上下儀之無所比度王其圖之夫事大不從象下
不從文上非天刑下非地德中非民則方非時動而
作之者必○切○法○不節矣作又不節害之道也王卒壅之及
景王多寵人亂於是乎始生景王崩王室大亂及定
王王室遂卑

在王城之南穀在王城之北鬪者兩水格有似
鬪也實決也唐隄也大曰崩小曰隄疫死曰札

國語

周一

三十八

瘡病也虞安也湛淫也堙塞也高謂山陵庫謂川澤共共工也高高封崇九山下下陂鄣九澤也通也越揚也燁焱起貌逆數四時寒暑反逆也四伯謂四岳也為四岳伯故稱四伯繫是也迄於天下謂禹也間代也黃黃帝炎帝也避遠也滑亂也明精氣也離烹煎之官也弭止也寧安也革更也典法也方四方也不順時謂逆四時之令象天象也文詩書也景王無適子既立子猛又許賓孟立子朝未立而王崩單子劉子立子猛而攻于朝王室大亂

天子之大音太長民之長上聲墮許規切陂班麼切唐俗本作塘說文無塘字庫皮彼切說文便俾切池直氏切沈直林切俗作沉非瘡才何切共音供湛丁南切又持心切樂入聲堙於真切密古崇字而度之度入聲從孫之從去聲隳于六切又于報切燁音闌帥音率厭於涉切奴詳耳切受祀之祀或為氏闌音間踣為北切弊或作斃令聞之間去聲微古堯切訓作嬰等聿切

晉羊舌肸聘於周發幣於大夫及單靖公靖公享之儉而敬賓禮贈餞視其上而從之燕無私送不過郊語說昊天有成命單之老送叔向叔向告之曰異哉吾聞之曰一姓不再興今周其興乎其有單子也昔史佚有言曰動莫若敬居莫若儉德莫若讓事莫若吝單子之況我禮也皆有焉夫宮室不崇器無彤鏤儉也身糞除潔外內齊給敬也宴好享賜不踰其上讓也賓之禮事放上而動吝也如是而加以無私重之以不殺能辟怨矣居儉動敬德讓事吝而能辟

怨以爲卿佐其有不興乎且其語說昊天有成命頌
之盛德也其詩曰昊天有成命二后受之成王不敢
康夙夜基命宥密緝熙亶厥心肆其靖之是道成王
之德也成王能明文昭能定武烈者也夫道成命者
而稱昊天翼其上也二后受之讓於德也成王不敢
康敬百姓也夙夜恭也基始也命信也有寬也密寧
也緝明也熙廣也亶厚也肆固也靖齋也其始也翼
上德讓而敬百姓其中也恭儉信寬帥歸於寧其終
也廣厚其心以固齋之始於德讓中於信寬終於固

孫鑿云用訓
話入文最可
厭

齋故曰成單子儉敬讓咨以應成德單若不興子孫
必蕃後世不忘詩曰其類維何室家之壺君子萬年
永錫祚胤類也者不忝前哲之謂也壺也者廣裕民
人之謂也萬年也者令聞不忘之謂也祚胤也者子
孫蕃育之謂也單子朝夕不忘成王之德可謂不忝
前哲矣膺保明德以佐王室可謂廣裕民人矣若能
類善物以混厚民人者必有章譽蕃育之祚則單子
必當之矣單若有關必茲君之子孫實續之不出於
它矣

孫鑿云意法

國語 周 一 早

經義云篇

土位在已上也除治也翼敬也類族類也壺柵也言孝子之行先於室家族類以相致乃及於天下也章明也單單氏之世也
於許乙切說音悅放上聲辟去聲壺口本切令聞之聞去聲

景亞二十一年將鑄大錢單穆公曰不可古者天災降戾於是乎量資幣權輕重以振救民民患輕則爲之作重幣以行之於是乎有母權子而行民皆得焉若不堪重則多作輕而行之亦不廢重於是乎有子權母而行小大利之今王廢輕而作重民失其資能無匱乎若匱王用將有所乏乏則將厚取於民民不

又云善論又
分叙合承

斷處每若不
斷此其鍊也

雙起而單民
收

商望齡云解

給將有遠志是離民也且夫備有未至而設之有至而後救之是不相入也可先而不備謂之急可後而先之謂之召災周固羸國也天未厭禍焉而又離民以佐災無乃不可乎將民之與處而離之將災是備禦而召之則何以經國國無經何以出令令之不從上之患也故聖王樹德於民以除之夏書有之曰關石穌均王府則有詩亦有之曰瞻彼旱麓榛楛濟濟愷悌君子干祿愷悌夫旱麓之榛楛殖故君子得以易樂干祿焉若夫山林匱竭林鹿散亡藪澤肆旣民

國語

周一

四二

孫鑛云善論
又云又雙起
前單突收

力彫盡田疇荒蕪資用乏匱君子將險哀之不暇而
何易樂之有焉且絕民用以實王府猶塞川原而為
潢汚也其竭也無日矣若民離而財匱災至而備亡
王其若之何吾周官之於災備也其所怠棄者多矣
而又奪之資以益其災是去其藏而翳其人也王其
圖之王弗聽卒鑄大錢

錢古曰泉後轉曰錢大錢者大於舊其賈重也民
患幣輕而物貴則作重幣以行其輕重曰母輕曰
子以子買物物輕則子獨行物重則以母權而行
之子母相通民皆得其欲也堪任也不任之者幣
重物輕妨其用也故作輕幣雜而用之以重者買
其貴以輕者買其賤子權母者母不足則以子平

而行之故錢小大民皆以為利也不相入不相為
用也二者先後各有所宜也關門關之征也石今
之斛也言征賦調均則王之府藏常有也旱山各
山足曰鹿愷樂也悌易也于求也君子君長也言
陰陽調草木盛故君子以求祿其心樂易肆極也
既盡也去其藏者謂善政藏於民故也翳屏也奪
其資民將叛是遠屏其民也一日翳滅也
量平聲重上聲先去聲厭於鹽切又於涉切處上
聲鹿詩作麓古字通榛仕巾切又側巾切楷音戶
濟上聲易去聲樂入聲翳於計切卒入聲

二十三年王將鑄無射而為之大林單穆公曰不可
作重幣以絕民資又鑄大鐘以鮮其繼句法若積聚既喪
又鮮其繼生何以殖且夫鐘不過以動聲若無射有
林耳不及也夫鐘聲以為耳也耳所不及非鐘聲也

孫鑛云名理
妙句亦往往
間出第辭則
不無稍弱

陶望齡不古
樂不傳樂記

亦不備周語
數篇可以參
我

猶目所不見不可以爲目也夫目之察度也不過步
武尺寸之間其察色也不過墨丈尋常之間耳之察
蘇也在清濁之間其察清濁也不過一人之所勝是
故先王之制鐘也大不出鈞重不過石律度衡量於
是乎生小大器用於是乎出故聖人慎之今王作鐘
也聽之弗及比之不度鐘聲不可以知蘇制度不可
以出節無益於樂而鮮民財將焉用之夫樂不過以
聽耳而美不過以觀目若聽樂而震觀美而眩患莫
甚焉夫耳目心之樞機也故必聽蘇而視正聽蘇則

聰視正則明聰則言聽明則德昭聽言昭德則能思
慮純固以言德於民民歆而德之則歸心焉上得民
心以殖義方是以作無不濟求無不獲然則能樂夫
耳內蘇聲而口出美言以爲憲令而布諸民正之以
度量民以心力從之不倦成事不貳樂之至也口內
味而耳內聲聲味生氣氣在口爲言在目爲明言以
信名明以時動名以成政動以殖生政成生殖樂之
至也若視聽不蘇而有震眩則味入不精不精則氣
佚氣佚則不蘇於是乎有狂悖之言有眩惑之明有

故

轉易之名、有過慝之度、出令不信、刑政於紛、動不順時、民無據依、不知所力、各有離心上、失其民、作則不濟、求則不獲、其何以能樂三年之中、而有離民之器二焉、國其危哉、王弗聽、問之伶州鳩、對曰、臣之守官、弗及也、臣聞之、琴瑟尚宮、鐘尚羽、石尚角、匏竹利制、大不踰宮、細不過羽、夫宮音之主也、箏以及羽、聖人保樂而愛財、財以備器、樂以殖財、故樂器重者從細、輕者從大、是以金尚羽、石尚角、瓦絲尚宮、匏竹尚議、革木一聲、水政象樂、樂從龠、從平、聲以龠、樂律以平、

和

聲、金石以動之、絲竹以行之、詩以道之、歌以詠之、匏以宣之、瓦以贊之、革木以節之、物得其常曰樂、極極之所集曰聲、聲應相保曰龠、細大不踰曰平、如是而鑄之金、磨之石、繫之絲、木越之匏、竹節之鼓、而行之以遂八風、於是乎氣無滯陰、亦無散陽、陰陽序次、風雨時至、嘉生繁祉、人民龠利、物備而樂成、上下不罷、故曰樂正、今細過其主、妨於正、用物過度、妨於財、正害財、匱妨於樂、細抑大陵、不容於耳、非龠也、聽聲越遠、非平也、妨正、匱財、聲不龠、平非宗宮之所司也、夫

有餘乎之聲則有蕃殖之財於是乎道之以中德詠之以中音德音不愆以合神人神是以寧民是以聽若夫匱財用罷民力以逞淫心聽之不餘比之不度無益於教而離民怒神非臣之所聞也王不聽卒金大鐘大鐘二十四年鐘成伶人告籛王謂伶州鳩曰鐘果籛矣對曰未可知也王曰何故對曰上作器民備樂之則為籛今財亡民罷莫不怨恨臣不知其籛也且民所曹好解其不濟也其所曹惡解其不廢也故諺曰衆心成城衆口鑠金今三年之中而害金再興

焉懼一之廢也王曰爾老耄矣何知二十五年主崩鐘不籛

無射鐘各律中無射也大林無射之覆也作無射而為大林以覆之其律中林鐘也動聲謂合樂以金奏而八音從之若無射復有大林以覆無射陽聲之細者林鐘陰聲之大者細抑大陵故耳不能聽及也六尺為步半步為武五尺為墨倍墨為丈八尺為尋倍尋為常勝舉也鈞所以鈞音之法也以木長七尺有弦繫之以為鈞法百二十斤為石律五聲陰陽之法也度丈尺也量斗斛也衡稱上衡衡有斤兩之數生於黃鐘黃鐘之管容秬黍千二百粒粒百為銖是為一龠龠二為合合重一兩故曰律度量衡於是乎生信名審號令也明以時動視明則動得其時也不知所力不知所為盡力也凡樂輕者從大重者從細故琴瑟尚宮鐘聲大故尚羽利制以聲音調利為制無所尚也殖長也

古者以樂省土風而紀農事故曰樂以殖財也議
 議從其調利一聲無清濁之變也極中也越謂為
 之孔也遂猶順也細謂無射也至正也無射有大
 林是作細而大過其律妨於正聲也大大林也大
 聲陵之細聲抑而不聞不容於耳耳不能別也越
 遠之越猶迂也無射之聲為大林所陵聽之微細
 而迂遠也宗官宗伯也樂官屬焉中德中庸之德
 舞也中音中和之音也曹羣也害金害民之金謂
 錢鐘也懼一之廢謂二金之中其一必廢矣
 射入聲重上聲鮮上聲間音間勝平聲將焉之焉
 音煙內音納不過之過平聲以道之道或作導罷
 音波卒入聲備樂之樂入聲好去聲惡去聲

王將鑄無射問律於伶州鳩對曰律所以立均出度
 也古之神瞽考中聲而量之以制度律均鐘百官軌
 儀紀之以三平之以六成於十二天之道也夫六中

孫鑄云直越
 陶望齡云六
 律六呂雖以
 鐘名皆截竹

屬也其曰
 鑄無射益以
 金鑄鐘而
 其聲中無射
 耳所謂度律
 乃鐘是也

之色也故名之曰黃鐘所以宣養六氣九德也由是
 第之二曰大簇所以金奏贊陽出滯也三曰姑洗所
 以修潔百物考神納賓也四曰蕤賓所以安靖神人
 獻酬交酢也五曰夷則所以詠歌九則平民無貳也
 六曰無射所以宣布哲人之令德示民軌儀也為之
 六間以揚沈伏而黜散越也元間大呂助宣物也二
 間夾鐘出四隙之細也三間中呂宣中氣也四間林
 鐘蘇展百事俾莫不任肅純恪也五間南呂贊陽秀
 也六間應鐘均利器用俾應復也律呂不易無姦物

也。細鈞有鐘無罇，昭其大也。大鈞有罇無鐘，甚大無罇，鳴其細也。大昭小鳴，蘇之道也。蘇平則久久固，則純純明則終終復，則樂所以成政也。故先王貴之王曰七律者，何？對曰：昔武王伐殷，歲在鶉火，月在天駟，日在析木之津，辰在斗柄，星在天竈，星與日辰之位皆在北維，顛頊之所建也。帝嚳受之，我姬氏出自天竈，及析木者，有建星及牽牛焉。則我皇妣大姜之姪伯陵之後，逢公之所馮神也。歲之所在，則我有周之分野也。月之所在，辰馬農祥也。我太祖后稷之所經緯也。王欲因是五位三所而用之，自鶉及駟七列也。南北之揆，七同也。凡神人以數合之，以聲昭之，數合聲蘇，然後可同也。故以七同其數，而以律蘇其聲。於是乎有七律，王以二月癸亥夜陳，未畢而雨，以夷則之上宮畢之。當辰辰在戌上，故長夷則之上宮名之曰羽，所以藩屏民則也。王以黃鐘之下宮布戎於牧之野，故謂之厲，所以厲六師也。以大簇之下宮布令於商，昭顯文德，底紂之多臯，故謂之宣，所以宣三王之德也。反及羸內，以無射之上宮布憲，施舍於百姓。

漢書云佳書
文亦腴而勁
又云章法

禮宗元曰王
以夷則畢陳
黃鐘布戎太
簇布令無射
布憲施舍於
百姓吾知其
來之自矣是
大武之聲也
州鳩之愚信
其傳而以為
武用律也孔
子語賓牟賈

之言六武也
武始自北出
再成而滅商
三成而南四
成而南國是
疆五成而分
周公左召公
右六成復綴
以崇天子夾
振之而四伐
盛滅於中國
則是火武之
象也致右憲
左又立於綴
皆火武之形
也夷則黃鍾
太簇無射大
武之律變也

歲猶奏也屏
奏武曲一終
為一成

故謂之羸亂所以優柔容民也

律鍾律謂六律六呂也立均之均即鈞鐘木見上
章均鐘之均平也度律呂之長短以平其鐘和其
聲也二天地人也六六律也十二律呂也陰陽相
扶助律取妻呂生子上下相生之數備矣十一月
口黃鐘乾初九也六者天地之中天有六氣降生
五味天有六母地有五子十一而天地畢矣而六
為中黃中之色也鐘之言陽氣鐘聚於下也黃鐘
陽之變也管長九寸徑三分圍九分律長九寸因
而九之九九九十一故黃鐘之數立焉為宮法云
九分之六得林鐘初六六呂之首坤之始也十一
月陽伏於下物始萌於五聲為宮舍元處中所以
徧養六氣九德之本六氣陰陽風雨晦明也九德
九功之德水火金木土穀正德利用厚生也正月
曰大簇乾九二也管長八寸法云九分之八太簇
言陽氣坎簇達於上也太簇正聲為商故為金奏
三月曰姑洗乾九三也管長七寸一分律長七寸

九分寸之一姑潔也洗濯也於正聲為角五月曰
蕤賓乾九四也管長六寸二分律長六寸八十一
分寸之二十六蕤委蕤柔貌言陰氣為主委蕤於
下陽氣盛長於上有似於賓主也七月曰夷則乾
九五也管長六寸六分律長五寸七分二十九分
寸之四百三十七夷平也則法也萬物既成可法
則也九月曰無射乾上九也管長四寸九分律長
四寸六千五百六十一分寸之五千九百四十九
九月陽氣收藏萬物無射見者故可以徧布前哲
之令德示民道法也六間六呂在陽律之間也十
二月曰大呂坤六四也管長八寸八分法云三分
之二四寸二百四十三分寸之五十四倍之為八
寸分寸之一百八下生律元一也陰繫於陽以黃
鐘為主故曰元間大氣始於黃鐘萌而赤地受之
於大呂牙而白成黃鐘之功也二月曰夾鐘坤六
五也管長七寸四分律長三寸二千一百八十七
分寸之一千五百三十一倍之為七寸分之八百
七十五四隙四時之間氣微細者春為陽中萬物

始生四時之徵氣皆始於春春發而出之三時奉而成之故夾鐘出四時之徵氣也四月日中呂坤上六也管長六寸六分律長三寸萬九千六百八十三分寸之六千五百六十一倍之為六寸分寸之萬三千一百二十二陽氣起於中至四月宣散於外也六月日林鐘坤初六也管長六寸律長六寸林衆也言萬物衆盛也於正聲為徵八月日南呂坤六二也管長五寸三分律長五寸三分寸之一榮而不實日秀南任也陰任陽事助成萬物也十月日應鐘坤六三也管長四寸七分律長四寸二十七分寸之十九陰應陽用事萬物鍾聚百嘉具備時務均利百官器用程度庶品使皆應其禮復其常也細細聲謂角徵羽也鈞調也鐘大鐘鐸小鐘也昭明也有鐘無鐸為兩細不相和故以鐘為節節明其大者以大小平細也大謂宮商也舉宮商而但有鐸無鐘為兩大不相和故去鐘而用鐸以小平大也甚大謂同尚大聲也則又去鐸獨鳴其細細謂絲竹革木大昭大聲昭也小鳴小聲鳴

也周有七音王問七音之律意謂七律為音器用黃鐘為宮太簇為商姑洗為角林鐘為徵南呂為羽應鐘為變宮蕤賓為變徵歲星也從仰九度至張十七度為鶉火武王始發師東行時殷之十一月二十八日戊子是時歲星在張十三度天駟房星也戊子日月宿房五度津天漢也從尾十度至斗十一度為析木其間為漢津戊子日日宿其七度也辰日月之會斗柄斗前也戊子後二日辛卯朔日月合在斗前一度也星辰星也天龜一名玄枵從須女八度至危十五度為天龜辛卯朔二日壬辰辰星始見二十九日巳未晦辰星在須女伏天龜之首也北維北方水位也顓頊水德之王立於北方帝嚳木德故受之於水今周亦木德當受殷之水猶帝嚳之受顓頊也建星在牽牛間從辰星所在須女天龜之首至析木之分歷建星及牽牛皆水宿伯陵太姜之祖有逢伯陵也逢公伯陵之後太姜之姪殷之諸侯封於齊地齊地屬天龜故祀天龜死而配食為其神主故云馮言天龜

乃皇妣家之所馮依非但合於水木相承而已又
 我實出於水家也周道起於大王故本於大姜鶉
 火周之分野歲星所在利以伐人天駟馬也故
 曰辰馬房星晨正而農事起故又謂之農祥稷播
 百穀故農祥為后稷之所經緯也五位歲日月星
 辰也三所謂達公所馮神周分野所在后稷所經
 緯也七列合七宿謂張翼軫角亢氏房之位七同
 合七律也揆度也歲在鶉火午辰星在天龍子鶉
 火周分野天龍及辰水星周所出自午至子其度
 七同也凡凡合神人之樂也以數合之取其七也
 以聲昭之用律調音也可同神人相應也夷則所
 以平民無貳上宮以夷則為宮聲夷則上宮也故
 以畢陳周禮太師執同律以聽軍聲而詔古凶是
 也一日陽氣在上故曰上宮長謂先用之也當辰
 之辰時也辰在之辰日月之會斗柄也當初陳時
 昏斗建丑而斗柄在戌上下臨其時各其樂為羽
 羽之義取能藩蔽民使中法則也黃鐘所以宣
 氣德使皆自勉尚桓桓也黃鐘在下故曰下宮各

臨望齡云亂
 昇終曲之意

孫鑣云奇

又云大費解
 陶望齡云用

此樂為厲者所以厲六軍之眾也太簇所以贊陽
 出滯蓋謂釋箕子之囚散鹿臺之財發鉅橋之粟
 也太簇在下故曰下宮羸內地名無射所以宣布
 哲人之令德示民軌儀故以布憲施舍無射在上
 故曰上官亂治也
 射入聲度入聲大簇之大音太簇音奏洗素典切
 蕤音綏酢才各切問音問沈平聲中呂之中陟仲
 切任而林切又而鳩切縛音博鶉音淳顓音專頊
 許六切馨苦毒切陳去聲底音旨施去聲含音捨

景王既殺下門子賓孟適郊見雄雞自斷其尾問之
 侍者曰憚其犧也遽歸告王曰吾見雄雞自斷其尾
 而人曰憚其犧也吾以為信畜矣人犧實難已犧何
 害抑其惡為人用也乎則可也人異於是犧者實用

人是操生殺
之柄與爲人
用相反

人也。王弗應，田於鞏，使公卿皆從，將殺單子，未克而崩。

下門子王子猛之傳，賓孟子朝之傳也。純美爲犧，祭祀所用者。景王既立子猛，賓孟有寵於王，欲立子朝。王將許之，先殺下門子賓孟，知其意，故感犧之美，念及子朝而疾歸。語王信誠也。雞畏爲宗廟之用，故自斷其尾。此誠六畜之情，不與人同耳。人犧爲人作犧，謂雞也。實難言將見殺也。已犧已自爲犧，謂子朝也。人君冕服有似於犧，故以喻焉。雞惡爲人所用，故自斷其尾。可爾人之美，則宜君人事宗廟，異於雞也。用人猶治人。

敬王十年，劉文公與萇弘欲城成周，爲之告晉、魏、獻子爲政，說萇弘而與之。將合諸侯，衛彪傒適周，聞之。

見單穆公曰：萇劉其不沒乎？周詩有之曰：天之所支，不可壞也；其所壞，亦不可支也。昔武王克殷而作此詩也，以爲飫歌，名之曰支，以遺後之人，使永監焉。夫禮之立成者，爲飫昭明大節而已，少曲與焉。是以爲之日惕，其欲教民戒也。然則夫支之所道者，必盡知天地之爲也，不然不足以遺後之人。今萇劉欲支天之所壞，不亦難乎？自幽王而天奪之明，使迷亂棄德，而卽怙淫，以忘其百姓，其壞之也久矣。而又將補之，始不可矣。水火之所犯，猶不可救，而況天平，諺曰：從

孫鑣云格言

柳宗元曰處

侯天所壞之

說吾友化光

銘成周其後

平思黯作詒

志莫弘之忠

悉矣學者未

焉若夫當身

涉及之說巫

之無恒者之

有也追為之

可

古温字化光

古東周城

銘云大夫莫

弘言拉其傾

坐召諸侯廓

崇王城雖微

遠猷實被令

各宜福而禍

何傷於明牛

僧孺字思黯

作訟忠以美

莫弘

國言

善如登從惡如崩昔孔甲亂夏四世而殞玄王勤商
十有四世而興帝甲亂之七世而殞后稷勤周十有
五世而興幽王亂之十有四世守府之謂多胡可興
也夫周高山廣川大藪也故能生之良林而幽王蕩
以為魁陵糞土溝瀆其有悛乎單子曰其咎孰多曰
莫叔必速及夫將以道補者也夫天道道可而省不
莫叔反是以誑劉子必有三殃違天一也反道二也
誑人三也周若無咎莫弘必為戮雖晉魏子亦將及
焉若得天福其當身乎若劉氏則必子孫實有禍夫


子而棄常法以從其私欲用巧變以從天災勤百姓
以為己名其殃大矣是歲也魏獻子合諸侯之大夫
於翟泉遂田於大陸焚而死及范中行之難莫弘與
之晉人以為討二十八年殺莫弘及定王劉氏亡

成周在灑水東王城在灑水西初王子朝作亂魯
昭二十三年夏入於王城敬王如劉秋敬王居於
翟泉翟泉成周之城周墓所在也魯昭一十六年
四月敬王師敗出居於滑十月晉人救之王入於
成周子朝奔楚其餘黨儋扁之徒多在王城敬王
畏之於是晉徵諸侯成周月役煩勞故莫弘使富
新石張為主如晉請城成周也曲章曲也與類也
詩樂少章曲威儀少比類也如登喻難如崩喻易
步王契也由玄鳥而生也小阜曰魁悛止也以道
補者欲以天道補人事也道可之道達也省去也

國言

周一

五



崇猶益也晉范吉射中行寅作難叛其君劉氏范氏世為婚姻荑弘事劉文公故周人與范氏晉以讓周周殺荑弘
荑直良切為音謂告入聲說音悅彪補雷初遺佳
季切忘或作亡俊音銓省山景切省不之不音否與之之與去聲

文化甲子

墓世

與氏

於箱出以美

音器字出類

同音亦出類

音直出類

音正知難

坐不指對

其首其其

其云失其

以引三十三晉人以欒樹二十八平姝其女家王隱丹三

以欒泉欒田欒太欒欒而及又欒中計之欒莫欒與

以欒日各其欒大欒其欒也欒欒于合欒欒之大夫

于而棄常去以欒其欒用西變以欒天欒欒百欒



